

四庫全書

集部

欽定四庫全書

石倉歷代詩選卷二百六十五

明 曹學佺 編

元詩三十五

倪 瓚

夜泊芙蓉洲走筆寄鍊師

芙蓉猶滿渚疎桐已殞霜泊舟菰蒲中吳山隱微陽因
懷靜默士竹林闕玄房煮茗汲寒澗燒丹生夜光憶與

鄭炎輩閒咏步修廊時余有所思顧瞻重徜徉庭下生
苔蘚牖間繡詩章奕勢鄭老勝酒榼郊生將雅歌雜詠
諧列坐飛羽觴子歸日已晚棗栗亦傾筐揮手輒謝別
暮宿荒城傍遲明趨所期待子鄭公堂晨往遂至昏企
望徒俵俵乃嗟仙真馭固非世所望惻惻理歸棹泛泛
秋浦長還尋甫里陸更醉山陰王素冠斯馳贈喜知終
未忘余茲將遠適旅泊猶彷徨微風動虛碧初月照石
梁曠望對清景賦詩托陳郎茯苓思同煮夜雨共匡牀

走筆次陶蓬韻送葉叅謀歸金華

手把玉芙蓉青天騎白龍出入人間世飛鴻踏雪踪瑤
草粲可拾羣峰森玉立壁月挂天南離離星斗濕君昔
在山時玉韞山有輝因同白雲出更與白雲歸白雲無
定處詎只山中住河漢共縈紆經天復東注金華牧羊
人遊戲不生嗔笑拂巖前石行看海底塵手調白羽箭
陋彼磨銅硯一語不投機歸歟寧再見用士始郭隗全
趙終相如項王疑亞父竟爾龍為魚擾擾何時已百年

聊寄耳良也報仇歸言從赤松子去山今幾年還山大
學仙天台司馬宅雲氣近相連

玄文館讀書

真館何沈沈寥廓神明居陽庭肅宏敞丹林鬱扶疎
瞻言茲遊息脫屣榮利區簷櫳初日麗池臺涼雨餘
焚香破幽寐飲水聊舒徐潛心觀道妙諷咏古人書
懷澄神自怡意愜理遺無誰云黃唐遠泊然天地初
迴首撫八荒紛攘蚍蜉如願從逍遙遊何許崑崙墟

春日雲林齋居

池泉春漲深逕苔夕陰滿諷詠紫霞篇馳情華陽館晴
嵐拂書幌飛花浮茗盞階下松粉黃窓間雲氣暖石梁
蘿葛垂翳翳行踪斷非與世相違冥栖久忘返

蕭閒道館聽袁南宮彈琴是日風雨蕭然有感
而作

玉琴轉清亮風雨更飄飄疎桐蔭高館朱槿耀芳條生
物曷可遏撫事發長謠弱齡陪清譙櫛髮想垂髫相見

日已老離居夢且遙秋江眇雲水去鶴影搖搖

和答吳寅夫對雨見懷

淪雲變陰晦零雨隨風濤的皪集蓮池飄飄灑蘭皋朱
絲緩瑤瑟綠錢生寶刀撫事增慨慷端居倦遊遨處世
每慚柳懷人徒咏陶脫質愛靈藥閒情宣弱毫

述懷

讀書衡茅下秋深黃葉多原上見遠山被褐起行歌依
依墟里間農叟荷蓑過華林散清月寒水澹無波遐哉

悽遁情身外豈有他人
生行樂耳富貴將如何

早春對雨寄懷張外史

林外苦泥雨憂來不可絕
掀帷望天際春風吹木末
飛蘿散成霧細草綠如髮
念子獨高世南山修隱訣
撫弄無絃琴招邀青天月
神安形不凋跡高行自潔
思之不可見饑渴何由歇
願為鸞鵲翔南遊拂松雪

戊寅十二月丹丘柯博士過林下賦詩次韻以

酬答

積雪被長坂卧疴守中林山川雖云阻舟楫肯見尋傾
蓋何必舊相知亦已深驚風飄枯條清池冒重陰聯翩
雙黃鵠飛鳴綠水潄顧望思鬱紆徘徊發悲吟願言齊
羽翮金石固其心歡樂何由替黃髮期滿簪

古詩送友仁賢良之京師

吳山朝靄外闔門春雨餘超忽孤帆遠天末浮雲舒君
今北闕遊我栖南山廬荷鋤事耕作閉戶詠詩書高林
鳴禽曙青苔行迹踈還期茅簷下一枉故人車

贈惟寅

隱几方熟睡故人來扣扉一笑無言說清坐澹忘機衣
上松蘿雨袖中南澗薇知爾山中來山中無是非三十
不娶妻四十不出仕逍遙巖岫間翳名以自肆何曾問
理亂豈復陳美刺高懷如漢陰終老無機事

送惟寅

春江煙靄綠遠樹明清旭歸鴈影斜斜鳴聲斷復續陳
君掛帆去似與鴈相逐水際白雲度山中甘雨足安得

從耦耕柴門藝松菊去去且入城懷抱向誰傾姚公有
古道虛夷多遠情俾爾遂高隱狂歌樂幽貞

聽錢文則彈琴

牛鳴野竄中雞登山木上黃鐘雜姑洗春容以清亮別
鵲暮鳴飛流水春演漾愛爾絃手忘令我形神暢憶昔
擅能事宋袁余所向錢君生獨後超軼絕塵鞅操琴晚
聞道月斧揮天匠杳如清廟瑟朱絃聽歎唱古道久寂
寥古音亦淪喪促軫淡沾纓歌詩重悲悵

為張來儀賦匡山讀書處

廬山鬱蒼堯上有香爐峰影落碧天外翠玉琢芙蓉牽
蘿讀書處雲磴無行踪猶遺石巖苔花開紫茸愁心
飛春雪寶劍沈雙龍應化蘇耽鶴歸栖千歲松仙巖採
芝叟久別倘相逢

題驪山圖

校獵上林苑洗馬昆明池霜威肅韶鼓雲氣畫車旗馬
班陳賦咏衛霍綏蠻夷王風既未遠文明方在茲逶迤

霄漢上鳳凰尚來儀

送馬生

送子淮南行繫舟江岬柳翠影舞晴煙落我盃中酒舉
杯向落日春水浮天碧時見白鷗飛雪先翻綺席應笑
披羊裘獨釣漁邊石

黃本中書齋為寫寄傲窓圖

庭樹綠交蔭時鳥語清綿春竹羅逕笋夏花敷沼蓮慨
然三季後契彼羲農前古井汲修綆空齋絙素絃長歌

歸去來悟悅陶公賢終尋桃源淹息景窮幽玄

為徐有常畫葉湖別墅

葉湖水淪漪松陵在其西望見吳門山波上翠眉低白
蘋晚風起寒煙遠樹齊水蕉籠筆格露桺罩金堤居貞
寧汲汲旅泊自栖栖屏處觀魚鳥風雨夜鳥啼

煮石山房

汲澗煮白石雲栖南澗隈敲石發新火荆薪藉餘灰坐
候升降理靜觀寒燠媒遂忘石鼎沸乍疑山雨來丹成

同此術鶴化詎能猜我亦餐金液清淺笑蓬萊

九日過彥行用韻一首

蕩舟煙景晚舉杯當素秋黃花忽在眼白髮仍滿頭臨
流發悲歎援琴歌楚調罷席更淹留明月波間照何事
鹿皮翁逃名隱屠釣

題趙若巖龍山精舍

我生倦馳騫無機如漢陰重遊古蘭若對山開我襟風
流李謫仙賞靜諧夙心琅然哦新詩如聞大雅音回首

石林晚白雲花雨深

蕭閒館夜坐

隱几忽不寐竹露下泠泠青燈澹斜月薄帷張寒廳躁
煩息中動希靜無外聆窅然玄虛際詎知有身形

雙寺精舍新秋追知戎昱長安秋夕

秋暑晚差涼茗餘眠獨早清風振庭柯寒蛩吟露草晨
興面流水西望吳門道不知人事劇但見青山好

偶成

積雨不肯休蕭條使人愁哀吟四壁靜病卧百蟲秋開
門望原野江湖漭交流誰能載美酒為我散煩憂

送章鍊師并寄鄭有道

良覲忽云阻桐花今亦繁落日滿洲渚揚舲念孤騫因
懷息機叟蘊真從灌園晨掃石上雲佇子接清言

冬日窓上水影

日池浮湛澹霞牖上縈迴敷腴三素雲照耀青蓮臺高
流輝自下含漪歛復開尸坐以默觀靜極自春回

雲泉為王光大賦

高齋面絕壁林密徑難尋風落松上雪零亂幽磴陰皓
潔映鶴氅清圓和瑤琴閒咏以自樂聊用忘華簪

懷寄強行之常州學官

君在西溪上年年楊柳春提壺坐柳下邀我見情真青
葉已垂帶白花還覆蘋別來今見柳思爾采芳芹

己卯正月十八日與申屠彥德遊虎丘得客字
余適偶入城本是山中客舟經二王宅弔古覽陳迹松

陰始亭午嵐氣忽歛夕欲去仍徘徊題詩滿苔石

杜真人聽松軒

計籌白石頂聞有丹丘生和玉飲晨露褰林餐絳英止
鶴眠松警螢火照書明為善得仙道脩然不近名

泊舟

泊舟嘉樹下開牖碧江潯慨然念黃落景憇惜清陰多
暇觀魚鳥容與一登臨蛻迹塵喧久欲寡天機深

貞松白雪軒分韻

境靜塵慮清雨餘山光變池館闕虛閒琴樽申繾綣蔚
哉春木榮慙我飛翮倦石間有題字苔蝕已難辨

寄楊廉夫

吳松江水春汀洲多綠蘋彈琴吹鐵笛中有古衣巾我
欲載美酒長歌東問津漁舟狎鷗鳥花下訪秦人

寄李隱者

南洲新月色照見水中蘋便欲乘清影沿源訪隱淪君
住鈿山湖綠酒松花春夢披寒雪去疑是剡溪濱

寄韓介石

江上雨雲歇夕陽歌吹濛
朱絃彈綠綺令我憶韓衆
魚戲弱藻下鳥飛明鏡中
夢乘清浦月直過雪溪東

贈友生

春林積雨晴江渚煙波綠
谷鳥語綿蠻澗泉聲斷續
蘿逕無來踪空山聞伐木
時援清琴坐還同白雲宿

龍門茶屋圖

龍門秋月影茶屋白雲泉
不與世人賞瑤草自年年
上

有天池水松風舞淪連何當躡飛鳧去采池中蓮

尋友人不遇

洲渚多落英沂流尋遠山輕舟載美酒搖蕩綠波間俯
詠拾瑤草遐思隘塵寰黃緣忽失遇悵望迷空還

次張仲舉韻

袂疇時已遍午饑休中林忽聞輶車至攬衣欣慨深遂
尋修竹下共憩西澗陰汲泉以煮茗遐哉遺世心

池蓮詠

迴翔波間風的歷葉上露清池結素彩華月映微步雲
陰花房歛雨歇芳氣度欲去拾明璫踟躕惜遲暮

徐氏南園對雨

櫻桃花欲落風雨暮淒迷忽憶郊園日竹林通澗西弱
蔓滋野援蘭葉長芳畦念我當時友蒿萊沒舊蹊

與張貞居雲林堂宴集分韻得春字

青苔網庭除曠然無俗塵依微樵逕接曲密農圃隣鳴
禽忽變夏踈花尚駐春坐對盈樽酒欣從心所親

題張氏叢竹軒

高軒自虛曠幽竹亦叢生
苔石寒依玉風泉夜炙笙
治冠輕可著醞酒綠因名
好折青鸞尾仙壇掃月明

秋日贈張茂實

久客東海上秋風吹練屨
放言愛莊叟笑癖如陸雲
采藥清晨出哦詩靜夜聞
滄浪可濯足吾與爾為羣

為文舉畫泖山圖因題

華亭西畔路來訪舊時踪
月浸半江水蓮開九朵峰
酒

杯時可把林叟或相從興盡冷然去雲濤起壑松

次韻酬彛齋見詒

荆溪丘壑遠暇日得躋攀野客時相過高人意自閒開
門看修竹卜宅近青山勝事今寧有幽吟一解顏

送僧

聞說四明道山川似若耶去依阿育塔還宿梵王家野
井封殘雪江船聚晚沙光公強健否持底作生涯

寄徐仲清

巖谷採靈藥蕭條栖道情白雲簷下宿海鶴堦前鳴燕
俎登春茵晨餐脯竹萌時憑五瀉水好過蘭陵城

畫竹贈王光大

荆溪王隱士相見每從容借地仍栽竹巢雲獨傍松青
苔盤石淨嘉樹綠陰重約我同栖遁高高第幾峰

題漁樵友卷

釣渚復燕山逃名宇宙間一篙春水淨半畝落花閒鷗
鳥時親狎松雲共往還厭聞塵世事緬邈不相關

題元材上壁

蕭條江上寺迢遞白雲橫坐待高僧久時聞落葉聲
鴟夷懷往事張翰有餘情獨悼扁舟去門前潮未生

題王元用秋水軒

秋水如玉涵綠蒲玉壺美酒清若無佳人倚窓調錦瑟
文君勸酒坐當壚昔年種柳遶漢南樹今搖落人何堪
惟有年年秋水至翠煙石黛漾晴嵐開軒清映臨秋水
斜日荷花淡相倚凌波微步襪生塵交甫凝情珮還委

餘不溪詞

開玄館在餘不溪濱距溪無百步上清王真人所
立溪流冬夏盈演玉光澄映與他水特異故為名
焉庚午歲春因市藥過浙江趨便道將歸梅里俯
斯水而悅之泝流閒詠盟濯平津顧瞻壇宇近在
東麓遂舍舟造其下真人為出酒脯燕嘯巖洞竟
日乃返悠悠徂歲忽已十有七寒暑矣余既為農
畝畝身依稼穡復邇政繁奔走州里欲為昔遊其

可得乎鍊師下騫物表閒情夷朗周覽宇內將還
真館余因訪像疇昔之所覩極道山之清婉追賦
短章以餞斯別若夫超踪溷濁逍遙玄邁益深志
於是矣覽而詠言能無動悲慨乎

餘不溪水綠生蘋放舟演漾當青春舟隨鶴影忽行遠
洞口桃花飛接人雲松蔽虧煙蘿席儼在溪東之石壁
羽人垂衣坐鼓簧饋我晨餐芝菌香從茲更發洞庭渚
濯髮咸池臨故鄉

歲己酉八月十四日寓甫里之野人居劉君元

暉邀余酌酒快雪齋中對月理咏因賦長句

涼月紛紛疑積雪凝暉散彩白于銀此時獨酌開軒坐
便欲剡溪尋隱淪爾營茅齋名快雪我醉行吟踏秋月
河漢無聲風露寒心境冷然一高潔

送潭州魯總管

翩翩文鷁飛渡淮歲蕤五采下天階西疇昨夜雨初徧
田父謳歌有好懷湘潭山色隨輕轂談笑來為此州牧

隔岼桐林散綺霞三月洞庭春水綠

寄王叔明

幾夢山陰王右軍筆精墨妙最能文每將竹影撫秋月
更愛山居寫白雲秘笈封題饒古跡雅懷蕭散逸人羣
今年七夕聞多事曝畫繡書到夕曛

八月三日與劉道益連床夜話風雨淒然五日
開霽道益賦詩見貽次韻一首

扁舟小泊菰蒲雨玄論却消身意塵空寂室中無侍者

蕭條雲外不羈人
酒杯畏病不復舉
燈火新涼差可親
嫋嫋秋風振庭樹
綠波芳草似初春

春日送別余秀才

翼翼高帆開遠天
綠波芳草隨煙綿
春林風雨集憂思
茅屋琴書移晷眠
文采由來庾信少
草聖近誇張旭顛
百年聚散如落葉
行客居人誰可憐

春日試筆

喜看新酒似鷺黃
已有春風拂草堂
二月江南初破柳

扁舟晚下獨鳴榔
苔生不碍山人屐
花發應連野老牆
美酒已擗千日醉
莫將時事攪愁腸

用王叔明韻題畫

王郎筆力追前輩
海岳新圖入卧遊
獨鶴眠松猶警露
孤猿挂樹忽驚秋
陶潛澤畔五株柳
范蠡湖中一葉舟
同煮茯苓期歲暮
殘生此外更何求

居竹軒

翠竹如雲江水春
結茅依竹住江濱
階前迸笋從侵迳

雨後垂陰欲覆隣，映葉黃鸝還自語。
傍人白鶴自能馴，遙知靜者忘聲色。
滿屋清風未覺貧。

送杭州謝總管

南省迢遙阻北京，張公開府任豪英。
守臣視爵等候伯，僕射親民如父兄。
錢廟有碑刊夜雨，岳墳無樹著秋聲。
好將飲食濡饑渴，何待三年報政成。

寄熙本明

白首遙知得道餘，不聞詩思近何如。
高齋夜雪同誰話。

古木寒山獨自居
夢裏只尋行去路
愁時聊讀寄來書
夕陽溪上多飛鳥
若箇能看影是虛

送徐子素

山館留君纔一月
梅花無數倚霜晴
垂簾幽閣團雲影
貯火茶爐作雨聲
深竹每容馴鹿卧
青山時與道人行
歸舟載得梁溪雪
惆悵隣雞月四更

三月一日自松陵過華亭

竹西鶯語太丁寧
斜日山光澹翠屏
春與繁花俱欲謝

人如中酒不能醒
鷗明野水孤帆影
鶻沒長天遠樹青
舟楫何堪更留滯
待窮幽賞過華亭

次韻姑蘇錢塘懷古

釀酒劒池水
玉壺清若無揮杯
送落月山鬼共歌呼
松間燈如漆
白骨漫寒蕪

江山國破後
弔古一經行
輦路苔花碧
御溝菰葉生
古蹟今寧有
新城江上橫

夜作古木怪石因題

夜遊西園渚初日光炯炯徒倚巖石下愛此林中影

題秋亭曉色圖

園林夏雨歇旭日照蒼苔誰見竹亭裏孤坐興悠哉

追和戎昱寄鍊師

雲霧軒窓倚半空少霞銘處識新宮遙看一片秋山色
鶴影徘徊明月中

雙井院前小立

山色微茫好放船秋渠野水夕陽邊西風更灑菰蒲雨

羨爾沙鷗自在眠

次韻曹都水

夜寒館裏挑燈宿
山罽重敷六尺牀
隱几蕭條聽塢雨
竹林煙幕煮茶香

次韻春雨

黯黯春雲映戶輕
綠蕪斜日忽開晴
依微野迳泉侵盡
風落桐花遠思生

絕句

醉喚吳姬舞，踏筵風攔花。陣亦回旋，愁生細雨寒煙外。
詩在青蘋白鳥邊。

別潘先輩

君來煙草正淒迷，君去溪頭柳葉齊。挂席中流竟東上，
莫重回首向荆溪。

寄友

二月江水清，接天楊柳隔江搖。綠煙一夜愁心似春雪，
隨風舞影落君前。

竹枝詞

春愁如雪不能消
又見清明賣柳條
傷心玉照堂前月
空照錢塘夜夜潮

題畫

樓閣參差霞綺開
峰巒重複水縈迴
赤欄橋外垂楊下
步月吹笙向此來

六月五日偶成

坐看青苔欲上衣
一池春水靄餘暉
荒村盡日無車馬

時有殘雲伴鶴歸

二月十五日雨作

風軒紅杏散餘霞
堤草青青桃欲花
寒食清明看又近
滿川煙雨亂鳴蛙

題畫贈崔子文

性癖居幽每起遲
一來溪口意淒迷
林亭曉色蒼茫裏
目送風帆過水西

贈曹德昭

谷口桐林落絳霞
仙帆初泊野人家
蕭閒館裏青苔合
看到堦前芍藥花

客舍詠牽牛花

小盤承露淨鉛華
玉顆依稀稀染碧
霞弱質幽姿娛我老
傍人籬落蔓秋花

清明後題

野棠花落又清明
楊柳青青人耦耕
春物闌珊成底事
半江疎雨暮潮平

追和蘇文忠墨蹟卷中詩韻

奎章閣下掌經綸清淺蓬萊又幾春三十六宮秋寂寂
金盤冷露泣仙人

聞竹枝歌因效其聲

鈿山湖影接松江橘葉青青柿葉黃要馮新詩寄音信
西風斷鴈不成行

看花仕女圖

畫圖常識春風面雲霧衣裳楚楚裁為問人間春幾許

石欄西畔牡丹開

剖瓜士女圖

月彎分破翠團團
六月人間風露寒
誰覓東陵故侯去
但知華屋薦金盤

煙雨

煙雨空濛遠樹齊
人家樹底自成蹊
只因二月吳松尾
渚際維舟聽竹鷄

十月

十月江南未隕霜青楓欲赤碧梧黃停橈坐對西山晚
新鴈題書已著行

春雨

春雨蕭條獨掩扉庭柯逕篠綠依依莫思南渚停舟處
煙柳垂陰滿釣磯

晚照軒偶題

簷前幽鳥自相呼池上紅蕖映綠蒲五月夜涼如八月
一窓風雨夢南湖

畫竹贈申彥學

吳松江水似清湘
煙雨孤蓬道路長
寫出無聲斷腸句
鷓鴣啼處竹蒼蒼

題畫

長江秋色渺無際
鴻鴈來時水拍天
七十二灣明月夜
荻花楓葉覆漁船

偶成

紫燕低飛不動塵
黃鸝嬌小未勝春
東風綠徧門前草

暮雨寒煙愁殺人

為潘仁仲寫梧竹草亭

翠竹蕭蕭倚碧梧
一亭聊以賦閒居
浮杯樂飲思潘岳
藻思春江濯錦如

附泰不花

春日次宋顯夫韻

帝城三月多春色
南陌風光畫不如
躑躅花深啼杜宇
鷓鴣灘暖聚王餘
玉樓似是秦宮宅
金水元非鄭國渠

處處笙歌移白日揚雄空讀五車書

汴梁懷古

花石岡前麋鹿過中原秋色動關河欲詢故國傷心事
忍聽前朝皓齒歌蔓草有風嘶石馬荆榛無月泣銅駝
人間富貴皆如夢不獨興亡感慨多

京師上元夜

華月澄澄宿霧收萬家燈火見皇州天闌虎豹依霄漢
人海魚龍混斗牛公子錦韉鳴玉勒內家珠箔控銀鈎

道傍亦有揚雄宅寂寞芸窓冷似秋

賦得上林鶯送張兵曹

春日陽關道鶯聲滿上林來從金谷曉飛度玉樓陰柳
嫩難分色歌停稍辨音明朝空解語人去落花深

寄姚子仲

懶趨青瑣備朝班焚却銀魚掛鐵冠琪樹有枝空集燕
竹花無實謾栖鸞漢廷將相思王允晉代衣冠托謝安
聖世只今多雨露上林芳草似琅玕

春日宣則門書事簡虞伯生

三月龍池柳色深，碧梧煙煖日愔愔。
蜂粘落絮縈青慢，燕逐飛花避綠沉。
仙仗曉開班玉筍，雲韶春奏錫瓊林。
從臣盡獻河東賦，獨有相如得賜金。

寄同年宋吏部

金鏡承恩對紫薇，錦韉白馬耀春暉。
謾隨仙杖朝天去，不記宮花壓帽歸。
海國風高秋氣早，關河雲冷鴈聲稀。
嗟予已屬明時棄，自整絲綸覓釣磯。

送趙常伯淮西憲副

東華晨霧正霏霏，使者分符向合肥。
封事尚留青瑱闥，蒙恩近出紫宸闈。
江涵曉日明樓牒，風引春雲上繡衣。
珍重故人千里別，綠尊須盡莫相違。

鞦韆詞

芙蓉宮額半塗黃，雙送鞦韆出畫牆。
簾底燕驚風雨亂，樹頭蜂繞襪塵香。
巧將新月添眉黛，閒倩東風響珮璫。
歸去綠窓和困睡，暫憑春夢到遼陽。

絕句二首

繡簾鉤月夜生涼
花霧陰陰入畫堂
吹徹玉簫人未寢
更添新火試沉香

金吾列侍擁旌旄
五色雲深雉尾高
視草詞臣方退食
內宮傳勅賜葡萄

送王奏差調福州

春水溶溶滿鑑湖
蘭舟長護錦屠蘇
可憐走馬閩山道
榕葉陰中聽鷓鴣

石倉歷代詩選卷二百六十五

欽定四庫全書

石倉歷代詩選卷二百六十六

明 曹學佺 編

元詩三十六

陳樵

清隱亭

白日照陽春九陌揚遠塵往來酣蟻戰誰是投閒人
人生苟知足政復貴隱淪萬事等大夢汨沒徒艱辛所以

賢達士不肯勞其神結亭林泉間歸來養清真窓虛野
鳥狎樹密山猿馴草色上階秀花枝倚檻新俛仰有佳
趣樽酒時相親終焉遠塵俗不愧無懷民

送吉夫北上

之子冰雪姿冥心學仙真官卑且勿念況復憂其貧邇
來太白山山勢凌秋旻雲盡月照夜花開鳥鳴晨閒居
少公事猿鶴為比隣採芝過林麓釣魚遊水濱七年不
得調幽興如逸民通塞任物理聊用安此身憶昔始相

識交情日相親問君鍊藥方秘之不肯陳金液且莫採
何以製水銀豈伊蓬萊中無分追後塵君今別我去九
闕朝帝宸功名信可就慎勿煩精神閨風青戔戔海波
白粼粼他年重會面笑盼桃華春

答李齊賢言別

古來青雲士論德不論年及時揚意氣車服耀且鮮譬
彼桃李花逢春各爭妍胡能學蘭菊遲暮秋風前羨子
當年華文思如湧泉詞場早騰譽海內推英賢而我竟

何為著鞭苦不先賦命有遲速行止任自然吾觀鴻鵠
飛低迴未須憐會當振六翮高舉摩青天

題松澗圖

鬱鬱澗上松磊磊澗中石石泉有餘韻松枝有餘色高
人事幽討結廬此栖息欹枕聽潺湲開軒盼空碧俯仰
欣有契足以愒昕夕我亦厭塵囂久焉慕岑寂他年倘
相過勿謂余生客

歲寒亭

夕隕悲薜華秋零悼蒲柳急景不可留高風邈難久風
霜十二月松竹凋獨後還與嶺上梅結為歲寒友草木
本無情猶能同歲寒奈何市井交輕薄不足觀

把酒

把酒勸白日日車邈難攀朝來出東海薄暮沈西山東
西若循環來去無時間何如延光景令人駐朱顏

送兄遊姑蘇

浮雲渺天末隨風姿悠揚遊子四方志去去道路長手

中三尺琴朱絃汎宮商但恐和者寡使我心增傷

晚香逕

秋菊有佳色幽香知為誰蔚為霜中傑肯向露下衰獨
賞心悠然酒至觴淋漓永懷陶靖節高風邈難追

白鸚鵡

開元白鸚鵡長在玉墀邊宮樹栖應熟胡書讀未全音
餘西域語夢入廣寒天莫把宮中事偷歸外國傳

投外憲列職

浙右饒名宦天潢異衆流星華婺女分印蘚越城秋長
吏多佳致流人反故丘諸郎復為郡外憲此優游

銀谷澗山房

樓臺依水石石樹帶疎篁洞口有靈藥水西無夕陽天
花空處沒春草定中長芳桂已飛盡有時間妙香

次周剛善僧房牡丹韻

不擬維摩室春風步障開欲分清露浥故近白雲栽色
奪人間艷香從天上來韶華正繁富啼鳩莫相催

春日二首

處處春風滿東皇信不偏
靡蕪窮遠岼梅柳共新年
白水暖浮日碧山晴吐煙
清時多樂事敢擬卜居篇
細雨花陰重輕煙草色勻
驚禽長避客嬌燕却依人
絃管紅樓酒輪蹄紫陌塵
東風競遊賞因想杏園春

送張仲舉歸晉陽舉進士

掛帆謝公浦把酒闔廬城
江柳不忍折春風當別行
關雲連楚暗隴月向吳生
葉落長安道思君北問程

黃晉卿見過却歸烏傷

江雨間行人江干雨又新
今朝下垂榻幾日望行塵
冰雪鶯遷樹江湖雁得春
非君被軒鑒懷抱欲何伸

東飛伯勞西飛燕題飛花亭

東飛伯勞西飛燕花光絮影從風轉
蜂黃蝶粉照靈葩不散明珠祇散花
霑衣墮袂花如雨羽人化蝶隨花去
羽人下顧笑春紅春閨一夕生秋容
骨齊熊耳君知否花艷春暉不經久
羽衣一瞬千萬春
薦花墮蘂齊崑崙

夜闌曲

碧宇星回夜漫漫
靈蕪煙暖重薰薦
冷翠香銷青桂枝
冰荷益光光遶幔
花樓艷舞金歲
黦吳羹蜀酒精瓊糜
酒闌半解龍綃衣
春朝曲渚聞鷓鴣

海人謠

海南蠻奴髮垂耳
朝朝采寶丹
涯裏夜光盈尺出飛魚
柏葉收珠寒蘂起
幽箔運錢生綠花
切玉蠻刀如切水
九譯來朝萬里天
北風不動琅玕死

行路難

寒帷取流蘇流蘇不解連環解離情別思出君懷教人
枉結流蘇帶作書報天孫河翻浪動七香輶折伊蘭兮
捐艾蕭伊蘭化作榛中草美盼何須比目魚六翮安用
頻伽鳥文鴛宛頸柰枝連不如見月生羽翰

七夕宮詞

內人拜月金鋪戶鳳宿梧枝秋葉下露華入袂玉階寒
織署錦工催祭杼月下金鈿照骨明同心絲鱸紅生縷

素爪碧寶上華樓夜闌颺馭下銀州

送厲生之天台

劉郎洞前藥草肥年年送春春不歸劉郎采藥路不迷
路迷却是還家時人間藥盡採者稀醫師採藥歸未遲
終南捷徑莫西去正在劉郎路迷處

代嘲舊人

吳王臺前天地老羊家吹笛煙花繞羊郎到老不識顰
昨日西施顰更好妾行自綰春風髻姊送出門車在道

塗金兩袖石麒麟
姊唾乾時碧如草
唾花一夜滿妾身
云是背後淖夫人

代玉山子答

建昌老父吹羌管
背花吹盡風花片
雪中花老花未知
我起開簾納江燕
夏姬出鏡春爭妍
房老不出金谷園
花奴鼓急人人顧
研光帽滑花難住

題海棠

東風吹墮絳雲影
別院春遲宮漏永
繡幃寶帶綰流蘇

夢入瑤臺呼不醒
熒熒銀燭花藥多
城頭烏啼奈曉何

題騎牛讀書圖

朝看書騎牛出去
日上初暮看書騎牛歸
來日欲脯朝朝暮暮
看書卷還慮牛饑無
牧芻家貧本分辛勤
過平時敢望閒工夫
人生衣食皆有餘棄
之不學將何如

太霞洞

石林深處飮胡麻
幾度登臨送日車
雪到峰頭猶是雨
雲生石上半成霞
相看露下朝華草
不放春歸冷艷花

魏紫姚黃風捲盡人間蜂蝶到山家

越觀

吳根越角兩茫茫石傘峰頭俯大荒
鳥道北來通禹會
雁程南去盡衡陽雲移暫覺天河沒
月暗不知松影長
天姥若耶他日事明朝采蕺下山梁

溪亭

百尺層崖接翠微潭空石影曉離離
雲隨白鶴翔千仞
月與青猿共一枝不信水深騎赤鯉
曾因夢裏殺黃鸝

芳洲翠羽無人拾自補山中白接離

翻經臺

石函朱几曙雲中雲散臺高萬象空枝重有時來白鳥
雨殘無處著晴虹血書貝葉三年碧秋入蘿衣半袂紅
幾度山人同聽法翠微深處石池龍

少霞洞山居

輕霞洞口採金芝千歲山南聽竹鷄煮石鼎中饒綠薤
封書燕外有丹泥度關僧寄婆羅樹入市人傳木客詩

又抱瑤琴向陰壑青禽啄碎碧梧枝

少霞洞

煙霧霏霏濕麝媒文生綠硯硯生苔天風拂地鳳笙下
楚雨入吳龍女回石壁水花泉湧出海棠春色鳥銜來
洞天只在風塵裏門外遊塵拂不開

招隱巖

何年積蓋與山齊樹轉峰回草逕微野火裂為方解石
秋風不到寄生枝誰來樹下看雲坐半入人間作燕飛

箬笠巖前今淨社寧須更草北山移

紫薇巖

手種巖花對北峰花間無葉紫茸茸人行鳬雁不到處
家在鶯花第幾重綠水值陰還又碧青春著樹却成紅
紫霞漫入絲綸閣且伴山中白髮翁

飛花亭

昨日朝華照夕曛俄看夕秀比朝菌松高猿見古時月
花晚鶯添幾日春盛露囊中封臘藥無塵袖裏裏吳雲

人間何用春長在只愛飛紅日日新

水亭

小鳳穿花照水明水禽衝浪動軒楹雲從薜荔衣中起
雨向玕琪樹上生曲水傍人流白羽嬌花無語答黃鶯
澗中日與山中日同上晴窓各自行

南軒

澗底菖蒲綠滿叢雲根水竹傍梧桐人來遠地見山碧
月未冷時如日紅春水有聲通北澗晚花無信誤東風

人間不是高寒地那得春紅入夏中

臨花亭

芳草生煙葯在房
鞋紅衣紫共芬芳
丘園風雨三家市
草木文章萬丈光
花正欲言還寂默
春無自性不堅良
晚來只有鶯紅在
莫放香絲取次黃

西峴峰

聽盡熙寧水樂聲
斷碑無字倚荒庭
雲歸僧舍樹皆濕
犬吠獵圍山誤鷹
覆屋松陰遮日黑
隔林春色著雲青

故侯轍迹無尋處丞相題詩擬峴亭

上虞魏氏湖上精舍圖

湖上蘭舟水上亭有時水漲與堦平
亭前古樹經春發門外孤洲昨夜生
海氣遙連育王塔蜃樓斜入會稽城
山陰道士携琴至寫盡風聲到水聲

霜巖石室

洞天無暑亦無寒淑氣芳風不出山
掃葉僧歸歸雲未濕賣花人去蝶先
還滿庭脩竹下黃葉千歲古松生綠煙

盡道雪中依裸壤虛疑夏室是冰天

石磴

磴平如席草茸香盛夏宜人石氣涼杜宇血銷添碧燐
山鷄食罷化餘糧赤松有約吾將老白髮無愁不解長
醉則枕流眠枕此看雲不復據胡牀

菊菴

秋深紅紫滿秋籬蕙帶蘭英綠照扉猿飲澗中甘掬水
雲粘石上舊蓑衣月知人境來相覓花有心情死不飛

桃李自開還自落却疑蘭菊未忘機

山房

冷雲堆裏散人家鹿幘羊裘不衣麻門外樹身無歲月
山中人語帶煙霞雲侵壞衲長生菌風斷遊絲半度花
采斂林深人不見連筒引水自煎茶

麋谷澗

清流拂石下巖隈澗底菖蒲曳綠苔野鹿避人懸樹宿
溪魚乘水上山來翠連春草誰能拾風觸石崖彊半迴

自入夏來涼意定更移脩竹澗邊栽

伏蟾山

山上飛雲去不留山中蟾兔又經秋
斗臨河曲侵鷄尾露上莎根到草頭
綠桂花中歌白苧碧梧影裏飯青牛
有時竹掃蟾蜍下滿腹丹書濕欲流

雨望臺

鳥傷墓道有無間興濟橋東衆綠繁
林外日斜虹有影階前雲去石留根
葉隨風轉時過樹雨傍山來不入村

更著短衣看瀑布天葩日暮正翻翻

山館

石甌峰前綠草肥兔絲挾雨上梧枝天台道士投龍去
少白山人相鶴歸苜蓿帶茸初映日雕胡落釜半成糜
石楠花落無人掃誰卧水陰歌采薇

山莊

澗中薏苡綠如藍枸杞黃精滿屋山掃葉僧將猿共爨
賣花人與蝶俱還雲生石笋埋雙樹雨引銀涎過八埒

林下四時春不去澆花采藥送飛年

琴臺

臺下湧泉如鼓鐘亭無燕語有風松石根漸見蘭成畝
影裏不知花幾重月夜聽泉翻羽調春雲剪葉寄仙翁
自從獨往窮山後幾見繁聲入亂中

春日閨思

白玉堂前雙燕飛堂中思婦怨殘暉臂環寄遠青蕪合
瓊宇題乾白雁歸醉倚合昏驚葉暗愁尋萱莖妬花肥

窓間昨日同心錦染罷香絲不上機

跳銀溪

枕石聽泉伏草萊跳銀溪上日徘徊
山間遠樹迎人出日轉晴虹渡水來
雲氣長連西澗石春寒猶在北枝梅
谷中幾載秋無黍沙上菰蒲暖更栽

園

築園却欲留方士一室園中度歲年
有客持雲坐盤石無人伴月出蘿煙
晴晞白髮三千丈寒折朱絲五十絃

玄圃方壺君莫問人間回首即神仙

玉雪亭

花遶亭臺水遶門壺中別是一乾坤銀蟾飛去秋無色
白石長來雲有根樹印蚪枝翻畫譜僧調獼髓補詩痕
相如健筆誰堪繼好騁詞華賦兔園

其二

羽仙飛步駕青鸞仙袂臨風響佩環琪樹移根來月裏
瓊花無夢落人間春回攏首梅先覺舟入山陰客未還

我亦玉堂揮翰手他年鵷鷺造朝班

送蔡竹澗江山教諭

仙霞嶺與落霞齊乘興吟遊日未西
簾影到池元是水
穀紋浮雨却成溪
煙清院竹鸞窺客日暖宮芹燕拾泥
莫道廣文官況冷
窓前生意草萋萋

中秋月

銀漢西流烏接翼回首人間化為碧
瑤臺貝闕神仙都
三郎錯路歸魚鳧霓裳月裏親偷得
却怪李暮偷壓笛

詠蘆雁宿


沙汀栖處穩夜漏有奴看月暗蘆花白一身秋夢寒

含暉亭

山色空濛翠不如平湖長遠野人居湖堤好種垂楊柳
取次持竿索貫魚

山水

青山如髻樹如麻茅屋青帘認酒家侵曉一番飛雨過
蒲川流出碧桃花



石倉歷代詩選卷二百六十六

欽定四庫全書

集部

石倉歷代詩選卷二百六十八

詳校官庶吉士臣龍廷槐

侍讀臣孫球覆勘

總校官進士臣朱

鈐

校對官主事臣張慎和

謄錄監生臣周

鴻

欽定四庫全書

石倉歷代詩選卷二百六十七

明 曹學佺 編

元詩三十七

劉永之

秋懷

白日行西陸氣候慘以悽沈沈夜未旦皎皎明月輝寒蛩響陰砌羈鳥鳴高枝耿耿不能寐攬衣起徘徊天道

諒幽遠人理固多違命彼西方人喟然傷我懷翩翩梁
間燕矯矯雲中雁南翔復北逝時序倏已換駕言出西
郊登高縱游觀原野何蕭條流潦方漫漫萋楚有餘悲
下泉興永歎安得携美酒聊以娛今旦幽幽澗裏蘭娟
娟常自好秋風厲嚴威零落隨百草芬芳豈不美衰榮
順天道嗟我平生友離居心惓惓坐令鬢成素為歡當
及早晝夜相代更誰能置懷抱涼飈振庭樹浮雲結重
陰中情忽不樂拂几彈鳴琴泠泠多苦調零淚沾衣衿

遠懷東都士登彼北邙岑悵然望京洛五噫發哀吟悠
悠千載下誰識古人心

門有車馬客

門有車馬客駕言發西京備諳興廢事具識治亂情天
子既神武儲君復神明鐘鳴啓雙闕王侯方雁行要途
無貴戚密地有寒英懷柔建六典戡強用五兵西伐踰
葱嶺東征際滄溟北盼驚沙漠南顧定儋瓊金圖啓天
秘銀甕發地靈八表既蕩一九有恚來庭鄙人值陽九

金匱要略卷之七
卷二百六十七
嗟與厄運并慷慨携客歎矯首睇太平

翠屏山房為羅伯綱賦

結構依茂林開軒面青嶂浮嵐變朝采宿雨經池上春
陽正和煦生意日條暢徑草綠已繁皋蘭葉初放脩翰
摩煙霄游鱗泳清漲動息皆自然至理妙無象遺紛便
靜觀寂寞諧所尚偃仰丘壑間中情無得喪

秋林讀書圖為章光遠賦

疏雨稍侵竹輕颼已滿林山窓敞虛寂席戶映深沈
嘯

蛸或侈几蝸牛時觸琴酌酒磐石上把卷高梧陰披覽
未終帙繁思浩盈衿羲皇倏已遠寂李邕荒淫懷哉魯
連子輕世有遐心願保金玉體遺以瑤華音行當拂塵
服就子碧山岑

舟行膠淺晚泊小橋期至豫章而別則咫尺矣

即事書懷簡何平子

偶遇乘槎侶因辭下澤車客程兼旦暮川路滯風沙石
碎愁鷺子汀長怯犬牙急湍騰雪馬淺溜感霜花聚舫

時連鷁攢篙若鬪蛇去留因地利漂泊任天涯洲指黃
牛近山瞻白鶴遐潭煙迷浦淑岬火識人家繫纜安椿
栳偎篷宿葦葭中宵漁響歇向曉雁聲譁忽憶別期促
還憐光景賒劒愁分紫氣酒喜酌彤霞坎壈身如寄蹉
跎鬢欲華相期何處好勾漏問丹砂

池閣獨坐懷周伯寧諸公

香閣林光合冰簾水霧銷虛池含碧鑑古甃疊青瑤境
托祗園迥泉分別圃遙雙桐陰覆地疏竹幹凌霄珍鳥

銜珠果金魚蔭翠苔輕颺次白紵涼露濕紅綃鸚鵡懷
深酌筌篚想緩調含情託柔翰幽賞憶清杓

題匡山石室

羣山爭盤紆衆壑盡奔放中峰最奇絕直立數千丈危
構倚石壁面勢極弘敞心神坐超忽雲雨接惝恍山色
晚更佳泉聲靜逾響猶言最絕頂臨眺極所往欲窮千
里目更試九節杖

又

精廬極蕭爽乃在匡山涯
鮮飈泛林木旭日生巖扉
樵路隔煙小鐘聲出林逕
階前百尺樹倒挂枯藤枝
中有避喧者禪誦清四時
挽蘿結幽佩紉葉為秋衣
靜談遠公傳東林迹已微
怡然契玄理令我坐忘歸

方壺畫軒岐論道圖為道士何仲旭賦

彩筆發神祕仙山開畫圖
靈文隱玉笈石扇啓金樞
寢軒岐術結交蘇董徒羽
服繫蘿帶筇杖懸藥壺行
當謝塵服從子崑崙墟

綠錦池為定侯賦

官沼湛芳泉紅櫳照綺錢藻絲翻玉鯉柳葉曳金蟬日
護瑰文麗雲迴碧甃圓凌波乘洛佩向月映湘弦樹影
浮觴近花陰列籍連鑑湖賓客在共賦綠荷篇

野老看雲圖

文湍激幽澗白雲流遠山偃仰長松下延眺一怡顏清
風拂素服瑤花落樹間拾薪青煙際煮苓供晚飧耽此
丘中賞竟日未言還

楊弘中藥室

秉志慕冲澹
息迹在丘園
閒庭徧芳草
高窓見遠山
采苓陟松逕
煮朮散榆煙
董生垂往躅
嵇子有遺編
神宇謝氛濁
天倪諒斯全
惟當振塵服
與子共清言

題煙雲臺

祠宮儼肅穆
靈貺赫然敷
藻井垂珠寶
素壁繪金圖
澗長三花樹
林栖九子烏
遙峰隱殘照
丹霞晚漸舒
眇然登雲駕
誰謂古今殊

山亭宴坐懷西峰諸友

荒溪無來軌山亭迥且深清風左右至夏木靄繁陰飛
飛雙珍禽喈喈流好音懷君青霞珮歷亂朱絃琴惟應
西峰月可以喻同心

經采石望太白墓

采石多名酒苔磯水自香昔年李太白於此屢銜觴失
意長安道狂歌入楚邦雲煙揮翰墨宮錦製衣裳醉骨
埋青嶂荒祠帶夕陽余亦忘機者翩然辭帝鄉田園蕭

水上井邑葛山旁去去隨鷗鳥煙波正眇茫

新歲有感寄東席煥章胡居敬

積雪蒼茫裏寒山慘淡中艱難經日別漂泊此時同筋
力年非壯詩書道未通狼煙春戍火禽語夜溪風心似
西橋水滔滔日夕東

望香爐峰讀孟浩然詩因述

移棹望廬阜香爐舊識名鳥飛千嶂碧日淨片雲青垂
瀑長虹下深溪猛虎行松門通佛宇蘿逕遶簷楹紫愛

遠公白詩欣孟子清余方謝羈束幸此共芳聲

雪峰詩為蜀人賦

岷峨鎮坤維上有太古雪寒光萬壑連皓采千峰列石
竇玉泉生琪樹瑤華結拄笏面嶙峋中懷共高結

山澗讀易軒

環環碧澗連靡靡蒼山屬初日照林端春餘鳴布穀松
深有去雲苔靜無來躡獨把一篇書時向窓間讀

海屋為蕭君賦

結屋青海上弄影滄江涯手持翡翠竿誤拂珊瑚枝龍
噓春霧合鶴度曉雲垂弱流幾清淺為書報安期

題枯林蘭

猗蘭生遠壑蕤繁玉芳白露溥夕景光風轉朝陽吹
簫望澧浦鼓枻向沅湘何以貽遠者徘徊雙鳴璫

寓瀟洲田庄

暄風變時節春衣猶未換城郭日驅馳郊坰偶遊觀新
蕪望中綠飛花坐來滿濁酒聊自傾醉即眠山館

同劉伯高分韵得羽字

僧居謝煩燠蕭條對疎雨碧甃躍金鱗石梁散文羽水
氣暗浮窓林煙細縈樹忽憶掉舫船牽荷弄秋渚

贈友人之章貢

秋雨正冥冥秋風何浙浙對酒送行人憂思坐填積黃
鵠不可馴飛蓬易相識幾日對崆峒滄洲渺難極

畦樂園

郭南抱甕者久與世情疎砌長龍鬚草林開燕尾渠輓

卷二 百六十七
蘊花下轉萬莖雨中鋤蔗熟能相寄酬君薤葉書

咏荷葉

圓緘初出水規蓋已迎風色迷青鳥度蔭密戲魚通裁
衣偏覺爽酌酒乍如空向曉珠搖蕩時瀉玉盤中

黃士一為余作墨梅效陰何體

朝陽耀白雪微月照寒泉玉環承佩結明珠綴組連不
愁歌次闕已向畫圖傳詎是揚州郭偏蒙何遜憐

王若水山水

谷口寒潮上厓陰宿霧開石橋通窈窕金棧寄崔嵬樹
暗茅堂閉波明桂楫回山中花落盡為報豫章臺

溪山漁艇圖

夕陽延暮景秋色遠冥冥流水雙溪綠寒山九疊青石
樓依古木草廔接遙汀釣叟長年在何人問客星

和楊伯謙韻

酌酒長松下垂蘿拂酒杯異禽窺藥鼎乳鹿卧書臺澗
水穿林去山雲帶雨回相期同結屋不厭野人來

卷二 百六十七
贈傳元賓兼謝梁徵士

百里訪柴荆，秋原獨自行。
屐沾山雨滑，衣染澗雲輕。
賣卜應潛姓，工詩不趁名。
故人枉書札，煩為謝高情。

玉峽潭陂山庄

歲杪涉風煙，連村熟芋田。
路危楓葉斷，石險柱根懸。
鹿柵成山壘，漁梁阻澗泉。
爭心逐時化，耕鑿喜安然。

經湖口縣

古縣開湖口，高檣集岝隄。
山從廬阜起，江向武昌來。
近

水皆楊柳荒城半草萊客心元自速更遣曉風催

題方方壺畫仁智圖為道士王默因賦

玉簡神仙記瓊臺羽士家軒窓明日月冠佩剪雲霞白
鶴窺殘奕青童掃落花憶曾訪丹術楓逕駐輕車

茅屋讀書圖

峨峨蒼山白雲冑之靈液深漉瀉為清漪帶我林薄環
我蓬茨春日載陽卉木華滋呦呦鳴鹿泛泛浮鷺樂此
幽獨理我琴冊嗟彼聖賢遺我今則顧瞻周道零露在

草駕言從旃中心懔懔澗有蘭茝山有薜薇逍遙卒歲
皓首為期

為潘仲輦題定使君所贈馬郎中畫鶴

郎中畫鶴稱第一江海十年多見之蘭皋明月照獨舞
雪影參差風倒吹滄洲玄圃三山上琪樹金芝日應長
萬里懷歸惜羽毛中宵怨別流孤響通泉素壁久漂零
忽見新圖百感并華亭舊歎傷心切赤壁扁舟入夢驚
綠錦池邊飼秋雨驃騎多情每同賦相思欲報故人知

為傳一札東飛去

田園幽隱圖

我家清江縣城北竹梁花埭環深宅隣屋分燈夜讀書
仙山借鹿春耕石蹤跡年來逐轉蓬萬事驚心舊業空
無錢買山惟愛畫坐對新圖如夢中柴門茂樹雅相向
野水山橋接空曠雨足沙田野犢閒風回茅屋荒雞唱
隔林炊黍起新煙接竹穿籬引澗泉旁隄楊柳皆新種
近舍松枝不記年

題傅商翁觀松瀑圖

山風蕭蕭晝寂歷長松落落倚絕壁紫煙乍留青蓋中
瀑布迸落蒼厓石山中之人形骨清幅中藜杖時獨行
溪迴陡絕去無路坐撫瑤琴摸澗聲我亦平生慕真賞
十年誤落江湖上故山蕭條久不歸夜雨秋衾夢長往
人生適意無是非雲林久與幽人期九節預裁青竹杖
明朝試拂薜蘿衣

和席煥章韻

西窓山茶初作華屋角枯楊啼早鴉景物蒼茫歲年暮
自笑經年猶別家玉梁之山峽江上金洞瓊峰鬱相向
却憶幽人住澗陰寄我山中采薇唱昔者登臨訪紫煙
石幢題字不知年松杉老大堪圍帶橋水新生勝榜船
仙人瘞劍青山麓捫蘿下窺翳修竹服食爭求五色芝
咽泉誰試千秋菊于今局促少清閒夢著只在仙厓間
世事撩人心慄慄誦君新詩為解顏相親未厭相疏久
鳥鳴嚶嚶思我友曠懷寧訝山陽鍛任達長耽步兵酒

獨愁無力濟時紛壯志銷沈老一邨
自昔艱難仗豪杰
令人長憶李長原

送羅與敬歸西昌

石龍磯畔多芳草遊子憶家春已老
水北楊花撲地飛
旁人謾道飛花好愛子不忍別送子到水濱
青天孤影飛黃鵠落日長風吹斷雲
朝發銅塘津幕宿青泥渡帆過孝通祠
漸是西昌路金魚洲遠樹青青三顧浮煙生
杳冥石扶壞道通高閣水啣危沙見古城
君家正在一

方住獨有園廬俯江渚昨夜深閨夢遠人相思定倚櫻桃樹

行路難

涉水多蛟龍跋山多猛虎荒城荊棘上參天大澤脩蛇橫草莽百里慘黯無人煙驅車暝行陷泥滓前車軸折後車來行人不覺傍人哀眼前道路已如此何況太行高崔嵬為君歌路難請君試一聽位高金多豈是貴擊鐘鼎食何足榮東溝水流西溝涸昨日花開今日落世

事榮枯反覆手七尺之軀安所托古來賢達人與時同
卷舒龐公鹿門隱馬生鄉曲居欵段聊乘下澤車何用
終朝出畏途

題何武子所藏簡天碧松圖

蒼松偃蹇如短虬垂肘近人寒不收悲風蕭蕭生晝晦
古鬣陟水令人愁錦韉騎馬山陰道石黛空青拂衣好
萬里江湖隔壯游坐觀圖畫空山老

周所立江村草堂

將軍舊日曾分祿為結茅堂草覆簷過橋柳暗鳥爭樹
當戶花開燕入簾醉書江石嫌雲冷晚飯山苗帶露甜
之子多才空白首獨將詞賦擬江淹

雲卧山房為了上人賦

空山雲卧杳難尋惟許人間禮磬音龍起鉢中生片影
鶴歸山頂結輕陰化為法雨沾衣濕散作天花遶座深
去住了然無定著祇應猛虎識禪心

仙溪書院為何能舉賦

江海歸來兩鬢霜仙源深處築茅堂參差樹映春山遠
窈窕橋通碧澗長金櫃藏書遺鳥迹石田栽玉起虹光
只愁來往迷花嶼預擬藤陰問釣航

山居圖

世傳隱處祇空聞草斷行蹤路不分鬼谷樹深衣濕翠
鳳林芝煥石生雲寒泉疊響清琴調白雪飛花逐劍文
已約八公携手去青岑從此謝囂氛

淵明入社圖

空山樓觀遠蒼蒼
路出深溪石磴長
近瀑飛雲經樹濕
穿花流水過橋香
高僧喜識桺榔杖
稚子歡迎薜荔裳
入社幾時還出社
松陰十里到柴桑

北澗春日二首

青松遶舍間幽篁
白板扉高薜荔牆
窓曉禽聲答人語
山春蘭氣雜梅香
家留渝曲幽居僻
草滿臨城舊業荒
坐憶交親半淪沒
不因鳴笛自沾裳

嗟嗟野雞鳴遠林
瑤琴揮罷思悵悵
寒陵山色難生態

春入溪雲易合陰
畚隴夜燒諳土俗
州城晝掩識邊心
芳臯杜若相將綠
偏覺騷人幽怨深

重過何氏北澗

北堂宴罷倚微醺
竹几燈花坐夜分
再酌蘭樽浮綠醕
重拈綵筆寫清文
山寒嵐氣朝成雨
地濕松陰暮起雲
休訝野人留戀久
十年江海厭離羣

寄淦川友人

廢郭浮煙見綠蕪
茅茨星散縣樓孤
江連戈舫鳴春鶴

樹對寒煙起夜烏
古硯自磨銅雀瓦
坐氍還疊蜀賓瑜
市南美酒梨花白
最憶青絲繫玉壺

送鎖子堅之袁城

雪色征袍拂曙颺
宜陽西去思飄飄
千峰靜對芙蓉幙
三峽遙連蠅螬橋
棹得雀舟衝雨緩
借來驄馬向春驕
青年書記相知久
共接秦箏和玉簫

和楊允恭金明橋晚眺韻

楊烟多才愛碧流
金明橋上對汀洲
日沈水屋蒹葭晚

金定四庫全書
卷二百六十七
涼入山衣薜荔秋草色淺深行處合嵐光明滅望中浮
魚鳬零亂扁舟集渾似東湖釣石頭

題鄒惟中西樓

西樓遠對鼎山斜野客來尋駕鹿車竹嶼暝煙浮翠黛
石田秋雨潤銀沙清樽未酌心先醉往事重論鬢欲華
肯借溪南三畝宅從君學種邵平瓜

虞心山遷居隱仙寺奉東一首

山房借得就新泥晏食隨僧拾澗菲隣甕酒香朝可貰

佛幢燈火夜堪依
沙田紫蔗家家熟
野逕丹楓處處飛
待約彭鏞去相覓
哦詩寫徧竹間扉

次友人鍾陵眺望有感之作

萬堞參差啓四門
滄江一望客消魂
鳳迷吳女瓊軒月
蝶失滕王畫棟雲
孤鳥飛空看漸滅
連檣依淺坐成醺
獨愁交午歸來鶴
謾有仙音忍重論

寄西峰李緯之

漢家仙吏駕雲螭
遺跡空存碧蘚滋
井底龍飛山客見

峰頭鹿過野人知
芝田舊長千年藥
石室新題五字詩
寄語山中李道士
好將勤學慰深期

題宋能敏青壁軒

沓嶂層巒翠幾重
神光動處有奇逢
霧生深谷藏玄豹
泉落陰崖化玉龍
丹篆曉書朱露濕
碧窓晴對白雲封
何時携我青藜杖
結屋來依五粒松

題雪林墨竹

望霓旌兮雲間吹
參差兮湘沚靈雨
兮朝飛衝風兮夕

起憶素手兮同携步捐瑤兮玉趾解翠佩兮明璫寄相思兮千里

題趙子深山水

山蒼蒼兮嶽峯谷窈窕兮阻深木含滋兮競秀雲欲雨兮晝陰蹇行人兮中流棹扁舟兮容與漱余懷兮曷從望巖扃兮延佇

又

白露零兮中洲瑤草歇兮歲已邁吹洞簫兮建翠旂望

佳人兮澹忘歸九疑兮嵯峨衝風起兮水揚波嗟白石
兮晝晦思千里兮奈何

題綠野春陰圖

野色連青靄春流澹碧沄
蘼蕪隨處綠離思滿南雲

子昂竹石

古研麝煤香書傳雨漏牆
高齋對松雪隨意寫瀟湘

酬別宋贊善大夫景濂二首

諸老風流邈不聞誰携健
筆繼清芬南宮新賜郎官佩

東觀長留太史文

西閣垂簾坐夕陰
每因朝退共論心
文章千載知音少
獨立蒼茫感慨深

四時詞

蘭風吹煥度書幃
桃雨烘晴映玉池
鬼谷樹深衣濕翠
一簾花影碎瑠璃

翠竹庭深枕簟涼
疎簾風度芰荷香
覺來搗藻心如水
繭紙新題急就章

豫章訪曠達不偶題壁

湖上青青萬柳條
吹簫曾記醉相邀
重來相覓不相遇
却駕柴車過市橋

庚戌正月僕有金陵之行而商翁將歸高安同
舟至涓湘留數日不能相違夜宿王氏甥西
齋吹簫酌酒為別夫傾蓋相逢猶有分攜之
感況平生故人耶書此以見眷戀之情耳

鸞簫緩引酒重傾
夜久燈花墜玉罌
君向雲山我朝市

江城風雨倍傷情

題竹

溪藤潤帶空青色
湘竹寒生琬琰文
何處幽尋倍追憶
夜深山雨隔窓聞

題扇與羽士

縹緲樓居隔紫霞
華陽真逸過君家
金盤不薦賓筵實
自有玄洲五色瓜

聽琴圖為周易題

韋帶筠冠白氎衣
龍唇鶴足軫文犀
試看十指風泉遶
曲裏時聞烏夜啼

題郭熙春山

紫霧春山綠樹齊
水流花嶼亂鶯啼
蹇驢烏帽歸來晚
恰似成都濯錦溪

題扇

烏絲細寫蠶頭篆
白紵新裁燕尾衫
雨過西軒苔色淨
澗中雲影似江帆

五粒松交九節蒲
銅餅分水浸珊瑚
小窓閒度遊仙曲
吹徧參差白玉竿

西風古道圖為寺僧賦

古道西風足馬還
數家茅屋住秋山
只疑路近東林寺
遙聽鐘聲暮靄間

和曾郁文韻

古戍鳴笳起畫樓
滿天涼月恨悠悠
離人一夜思親夢
度盡巴江楚水秋

題竹

小窓新霽綠陰稠
隨意揮毫倣薊丘
老鶴矜翎回舞翮
洞簫吹徧石林秋

楚人江上竹枝歌
風雨瀟瀟放櫂過
翠黛含顰欲誰怨
九疑雲暗奈愁何

市裏仙人白兔公
手持玉笛向秋風
綵雲低度天如水
吹作龍吟山月中

讀書茅齋夏日長
琅玕遶屋似瀟湘
山風一夜吹疎雨

共愛西窓五月涼

題扇與何重容

溪南溪北水雲村茅屋書燈對掩門
昨夜西風送微雨
荷花初落槿花繁

寄潔齋主人

高齋寂寞誰堪侶
陶器單衾與素琴
惟有空潭夜深月
一泓寒景照人心

題扇

金鳳洲頭倒玉壺
銅塘浦口送飛鱸
他時若記分携處
花滿春城聞鷓鴣

北澗夏日

酒傾蘭勺石泉香
衣剪荷盤露氣涼
誰料十年江海興
閉門疎雨對橫塘

夜宴定侯宅醉中口占

麾羽堂中畫燭明
將軍夜醉水西營
青樓小婦新承寵
彈得涼州第一聲

墨竹

石荷長梢雙鳳尾
雷驚空谷九龍章
高秋墜露濃如乳
瀉入金盤勝玉漿

為何彥修題懸厓古木圖

古木蒼蒼帶女蘿
峰陰斜蘸石潭波
十年不到屏風疊
夜雨茅簷幽夢多

與何重容

百尺長松不記年
石牀歌帽午陰圓
何郎茅屋相隣住

為煮新茶汲澗泉

夜宴凝清軒

夜久燈花落酒缸
綵牋題句更催觴
今宵獨卧西窓月
惟有梅花入夢香

題青山白雲圖

蒼苔茅屋面春山
飛翠浮嵐掩靄間
一別漁磯成十載
羞將華髮對青灣

墨竹

白石蒼苔嶮谷秋疎篁古木共清幽折釵書法今誰繼
惆悵令人憶薊丘

春至黃陵江水生明璫翠珮不勝情微風淅淅聞鸞吹
疎雨瀟瀟濕雉旌

寫墨竹一枝

為君拈筆寫篋簾數尺新梢綠粉香持向西窓聽夜雨
高情渾似對瀟湘

為彭子弘題漁釣圖

彭郎磯畔小茅堂露滿秋林木葉黃石渚水生魚欲上
一江風雨夜鳴榔

題北澗精舍

石田流水繞生苔翠竹蒼松傍舍栽恰似輞川庄裏住
簾門斜對芰荷開

題蘭石一幅贈蕭伯與憲史調閩中

武夷山中石如玉西澗無人瑤草青懸厓牽芳思獨往
香氣襲衣秋露零

和何平子韻

雪竹霜筠負所期
寒雲飛雁影離離
懸知磐石蒼苔上
猶有山陰道士詩

石倉歷代詩選卷二百六十七